

Tsib Hlis xiab 5, 2026

## **UW–Madison ua tiav 2025–2027 daim qauv npaj nce nyiaj**

University of Wisconsin–Madison cov thawj coj tau muab kev pom zoo muab, tag nrho, muaj \$27.6 lab (*million*) nce rau cov kev them neeg ua haujlwm rau xyoo 2025–2027. Cov nyiaj nce no yuav muaj nrog qhov kho kab tus nqi them nyiaj rau txoj haujlwm. Qhov tam sim no siv yog muaj txhawb tag nrho tsev kawm ntawv lub tswv yim kev them nyiaj, uas kom yog ib qho chaw ua haujlwm xeeb tau raws kev lag luam txhawb UW cov neeg ua haujlwm thiab cov xibfwb.

Tej tus cov *University Staff* yuav tau txais ib zaug, ib pob rau tau ua haujlwm ntau tshaj cov kom ua. Cov kev nce nyiaj no kuj muaj ib qho them tib zaug rau tej tus ua haujlwm zoo heev rau cov *Academic Staff, Limited appointees*, thiab Xibfwb, thiab nrog rau nce tus nqi nyiaj xyoo rau ib co xibfwb.

## **Tus qauv nce nyiaj no pib lub Rau Hli tim 28, 2026**

Pob nyiaj tuaj hauv qhov chaw loj tuaj (*central compensation funds*) yuav nce raws xeev tus qauv npaj nyiaj siv rau ob xyoos 2025–27, uas muaj 3 feem pua nce rau *Universities of Wisconsin* cov neeg ua haujlwm uas twb tau nce thaum lub Rau Hli tim 29, 2025, nrog rau 2 feem pua npaj yuav nce rau lub Xya Hli 2026. Qhov nyiaj nce rau 2026 yuav pib lub Rau Hli tim 28, 2026, rau cov neeg ua haujlwm 12-lub hlis (ib xyoos), thiab lub Yim Hli tim 17, 2026, rau cov neeg ua haujlwm 9-lub hlis (raws caij qhia ntawv). Yuav qhia ntxiv txog pib siv qhov nce nyiaj no rau cov neeg ua haujlwm rau tom ntej.

## **Kho kab tus nqi them nyiaj rau txoj haujlwm**

UW–Madison yuav ntxiv 3 feem pua rau kab them nyiaj xuabmoos los xyoo rau cov neeg ua haujlwm nyob rau, pib lub Rau Hli tim 28, 2026. Qhov kho no yuav nce tus nqi tsawg tshaj, ib nrab, thiab qhov ntau tshaj raws kab cov pawg neeg txoj haujlwm nyob rau.

Qhov kho kab tus nqi nyiaj them yuav tsis cia li nce nyiaj rau tus neeg ua haujlwm. Nws kho kab qhov nyiaj tsawg thiab ntau tshaj kom xeeb tau thiab txhawb cov kev nce nyiaj rau tam sim no thiab yav tom ntej xwb.

## **Kev siv pob nyiaj tuaj ntawm qhov chaw loj tuaj**

Tau kom txhua ceg qhia ntawv los ua haujlwm tsim cov kev ua raws txog qhov tus neeg yuav tsum muaj thiaj tau qhov nyiaj nce thiab faib pob nyiaj no, thiab kom muab qhia rau cov neeg ua num ntawm lawv ceg ua haujlwm. Cov neeg ua haujlwm yuav tsum ua tau tej yam thiaj tau txais qhov nyiaj nce rau nyiaj xuabmoos los xyoo los qhov them ib pob pub rau. Yuav muab kev qhia ntxiv rau cov neeg ua haujlwm thaum muaj lawm. Thov nrog koj tus thawjsaib los ceg ua haujlwm lub *human resources* tham yog koj muaj lus nug.